



Krizni štab za praćenje novog corona virusa

Krizni štab ministarstva zdravstva Zeničko-dobojskog kantona, a vezano za Naredbu Kriznog štaba Federalnog ministarstva zdravstva, broj: 01-33-1472/20 od 12.03.2020. godine, shodno odredbi člana 6. stav (4) Pravilnika o organizaciji i načinu rada Kriznog štaba Federalnog ministarstva zdravstva („Službene novine Federacije BiH”, broj: 10/12), Krizni štab ministarstva zdravstva Zeničko-dobojskog kantona donio je sljedeću

N A R E D B U

1. Nalaže se obustavljanje rada dječijih vrtića na području Zeničko-dobojskog kantona do daljnjeg.
2. Zabranjuje se do daljnjeg održavanje svih kulturnih manifestacija i sportskih događaja, kao i treninga na području Zeničko-dobojskog kantona.
3. Nalaže se menadžmentu svih zdravstvenih ustanova bez obzira na oblik vlasništva, kao i nositeljima privatnih praksi u Zeničko-dobojskom kantonu da zdravstvenim radnicima i zdravstvenim saradnicima ne odobravaju putovanja izvan zemlje, bez posebnog odobrenja rukovodioca.
4. Zabranjuje se svim zdravstvenim radnicima i zdravstvenim saradnicima da u uvjetima promijenjenje epidemiloške situacije, odnosno u uvjetima kada je Svjetska zdravstvena organizacija proglasila pandemiju novog koronavirus (COVID-19), napuštaju područje Federaciju BiH, bez posebnog odobrenja rukovodioca.
5. Nalaže se osobama koje su posljednjih 14 dana boravile u zemljama koje su ugrožene zarazom novim coronavirusom (Kina, Italija, Južna Koreja, Iran, Francuska, Njemačka i Španija), a nisu prošle sanitarnu kontrolu na graničnim prijelazima i nemaju izdato rješenje o zdravstvenom nadzoru/samoizolaciji, da se obavezno telefonski jave nadležnim epidemiološkim službama domova zdravlja ili Institutu za zdravlje i sigurnost hrane Zenica, u cilju uspostavljanja zdravstvenog nadzora.
Neprovođenje ove mjere zaštite stanovništva od zaraznih bolesti podliježe krivičnoj odgovornosti.
6. Preporučuje se stanovništvu Zeničko-dobojskog kantona, kao i stranim državljanjima koji trenutno borave u Zeničko-dobojskom kantonu, da se u cilju zaštite ličnog zdravlja i zaštite javnog zdravlja, striktno pridržavaju svih preporuka Kriznog štaba Zeničko-dobojskog kantona i zdravstvenih ustanova.
7. Preporučuje se učenicima u osnovnim i srednjim školama, kao i studentima na visokoškolskim obrazovnim ustanovama na području Zeničko-dobojskog kantona, da u periodu obustave nastave u osnovnim, srednjim i visokoškolskim obrazovnim ustanovama,

izbjegavaju nepotrebno kretanje i zadržavanje na mjestima javnog okupljanja. Za provođenje ove preporuke za maloljetna lica odgovorni su roditelji odnosno staratelji, a za punoljetne osobe (učenike i studente), navedeno je lična odgovornost.

8. Preporučuje se lokalnom stanovništvu, kao i stranim državljanima na području Zeničko-dobojskog kantona da izbjegavaju nepotrebno kretanje i zadržavanje na mjestima javnog okupljanja.
9. Preporučuje se licima sa područja Zeničko-dobojskog kantona koji žive ili rade u zemljama pogođenim novim koronavirusom (COVID-19), da zbog povećanog rizika od unošenja novog koronavirusa (COVID-19) i pogoršanja epidemiološke situacije, ne dolaze u Federaciju Bosne i Hercegovine.
10. Ova naredba stupa na snagu danom donošenja.

Broj: 11-33-1335-24/20
Zenica, 13.03.2020. godine



Dostavljeno:

- Ix svim zdravstvenim ustanovama
- Ix Ministarstvo za obrazovanje, nauku, kulturu i sport
- Ix Ministarstvo unutrašnjih poslova
- Ix Gradovi/općine
- Ix Web stranica Ministarstva zdravstva
- Ix a/a